

## Fouscht

Text und Musik  
Jacob Stickelberger

Am E Am Dm Am E  
Di Gschicht fahrt a mit e - me Ma wo mit sich säl - ber

4 Am Am E Am Dm Am E  
redt und wo pla - giert mit sy - re gros - se Bil - dig won er

8 Am Dm G C Am Dm G  
het ach was het dä nid alls stu - diert: Phi - lo - so - phie und

12 C F G C Am F E Am  
Rächt The - o - lo - gie und Me - di zin Fouscht heisst dä Ma zum Gschlächt

## Fouscht

1. Di Gschicht fahrt a mit eme Ma  
wo mit sich sälber redt  
und wo plagiert mit syre grosse  
Bildig won er het  
ach was het dä nid alls studiert:  
Philosophie und Rächt  
Theologie und Medizin -  
Fouscht heisst dä Ma zum Gschlächt
2. Doch meinsch dä Fouscht syg zfride mit  
sym Wüsse? - ja ke Spur  
das är nid no meh het und weis  
das macht ne schampar suur  
so das er sech wott ds Läbe näh  
doch gottseidank es chunnt  
bevor no öppis Dumms passiert  
es Pudeli e Hund
3. Chum Fifi, seit dr Fouscht zum Tier -  
da gits e rise Chlapf  
druf steit dr Tüfel statt em Hund  
diräkt bim Fueternapf  
und stellt sech als Mephisto vor  
dr Fouscht rüeft völlig platt:  
das also war des Pudels Kern -  
es sehr berüemts Zitat
4. Los Fouscht, seit dr Mephisto jitz  
du bisch e dumme Löl  
wen würklech no meh wüsse wotsch  
verchouf mer doch dy Seel  
und unterschryb da mit dym Bluet  
dä vorbereitet Pakt  
derfür chasch alles vo mir ha  
ou Froue wens di zwackt
5. Dä heisst: zum Auerbach  
und dert Pakt wird gfyret i dr Beitz  
wo vollfüere de di zue  
am Tisch e Schauerkrach  
dernäbe pfyfe beid im Suff  
de guete Froue nah  
und bsunders eini gfallt am Fouscht  
die hout er jitzen a
6. Oh Meitschi, lallet er verliebt,  
du bisch die Schönscht versteisch  
druf dr Mephisto, Fouscht du spinnsch  
das isch ja Chefffleisch  
vierzähni isch das Grytli  
het no Züpfen ume Chopf  
doch wen es unbedingt mues sy  
de chasch es ha du Tropf
7. S'geit nid lang und scho weis dr Fouscht:  
hüt Znacht da isch es günschtig  
und stygt y d'Chammere vom Margrit-  
potz isch das ou brünschtig  
wo druf es chlyses Fouschtli chunnt  
süfzt ds Grytli deprimiert:  
oh hätti nume d'Pille gnoh  
de wäri nüt passiert
8. Di Schand, rüeft äs, ertrag i nid  
i bin e gfallni Frou  
ertränkt drum ds Chind schnappt übere  
und nachär stirbt es ou  
Mephisto lacht dr Fouscht dä grännt  
und geit drby fasch druf  
dr Vorhang fallt und ds Liecht geit a  
so hört das Drama uf